

觀

象

玩

占

觀象玩占甲集目錄

第一卷 天論

天體

天變異占

天雨異物占

天文占

地論

地變異占

地生異物占

第二卷 日

總叙

日變異占

日食占

日食十二月占

日食十二干十二支占

日食六十甲子占

日與月星並見占

日月行九道

日月食說

第三卷 月

總叙

月變異占

月食占

月五星相干犯占

月暈五星占

流星客星彗星犯月占

觀象玩占甲集目錄

終

古之言天凡有八家一日渾天即今所載張衡靈憲是

也二曰宣夜絕無師學三曰蓋天周髀所在四曰軒天
姚信所說五曰穹天虞從所擬六曰安天虞喜所述七曰
方天玉充所論八曰四天天胡寓言獨渾天一家最為近
理故李淳風獨取靈憲經載之乙巳占首其文曰昔在先
王將步天路用定靈軌尋緒本元先準之于渾体焉正
儀立度而皇極道建也樞運有迫極也乃建乃經斯經
天常聖人無心因茲以生心故靈憲作典曰太素之前出
清玄靜寂寞冥默不可為象厥中為虛厥外為無如
是者永久焉斯謂溟滓蓋乃道之根也道根既建自無

有太素始萌，而未兆，并氣同色，混沌不分，故道志
之言有云：有物渾成，先天地生，其體故未可得而形也。其
連連故未可得而紀也。如是者，又永久焉。斯謂尼鳩美為
道之幹也。道幹既育，有物成體。於是元氣剖判，剛柔始
分清濁，異位天成於外，地定於內，天體於陽，故圓以動，地
體於陰，故平以靜。動以行，施靜以合化。煙媾精明，特育
庶類。斯謂天元。蓋乃道之實也。在天成象，在地成形。天有
九位，地有九域，天有三辰，地有三形。有象有_可動，有形可度
情性，萬殊旁通，感薄自然，相生莫之能紀。於是人之精者

作聖宰始紀綱經緯乎八極地之維徑二億三萬二千三百里南^北則短減千里東西則廣增千里自地至天半於八極則地之深亦如是通而度之則是渾矣將復其數用重句股懸天之景薄地之象皆移千里而差一寸得之過此而往者未之或知未之知者宇宙之謂也宇之表無極宙之端無窮天有兩儀以辨道中其可觀樞星是也謂之址極南者不著故聖人弗之名焉其世之遂九分而減二陽道左迴故天運左行有驗於物則人氣左肱也天以陽迴地以陰溥是故天致其動稟氣舒光地致其靜待候明故天以順

動不失其中則四序順致寒暑不忒死生有節故
品物用土地以靈靜作合承天清至養四時而後育故品
物用成凡至大莫若天至厚莫若地質者曰地而已至多
莫若水水精為漢周於天而無列焉其次質也地有山嶽
以宣其氣精鍾為星星者也体生於地精成於天列居錯
峙各有攸屬紫微宮為皇極之居太微為五帝之廷明
堂之房有角有席天市有座蒼龍連捲於左白虎踞距
於右朱雀奮翼於前靈龜圍首於後皇帝軒轅於中六
擾既畜而狼蛇魚鱉固有不具在野象物在朝象官在

人象事於是備矣懸象著明莫大乎日月其徑當天周七百三十六分之一地廣二百四十二分之一日者陽精之宗積而成鳥象鳥而有三趾陽之精其效奇月者陰精之宗積而成獸象兔之精其數偶天日譬猶火月譬猶水火則外光水則含影故月先生於日之所照魄生於日之所蔽當日則光盈就日則光盡象星被耀因水轉光當日之衝光常不合者蔽於地是謂闇虛在星、微過月、食日之薄地闇其明也繇闇視明、無所屈是以望之若大方於中天天地同明繇明瞻闇還自奪故望之若小方當夜而揚

光在晝則不暎也月之於夜與日同而差微星則不然強弱
之差也彖星列布其以神者有五例焉是為三十五名一居
中央謂之北斗動變擬占寔司王命四布於方為二十八宿
日月運行歷示吉凶五位躔次用告禍福則天心於是乎
見矣中外之官常明者二十有四可明者三百二十為星
二千五百而海人之占未存焉微星之數蓋萬五千五百二
十庶物蠢蠢咸得繫命不然何以總而理諸天三光形而有
珠玉神守精存麗其職而宣其明及其衰也神歇精散於是
乎有隕星然則奔星之所墜至石夫文曜麗乎天其動者

七日月五星是也周旋右迴天道者貴順也近天則遲遠
天則速行則屈、則留迴則遲遲迫於天也行遲者觀之
於東、雋陽行速者觀之於西西屬陰日旦為月夕此配
合也攝提癸感填星候晨見附於日也太白辰星候夕見
附於月也三陽二陰三天兩地故男女取則焉方星巡鎮必因
常度苟盈縮不逾於次故有司作史曰老子四星周伯王
蓬絮萬各一星錯乎五緯之間其見無度審而察之然後
吉凶宜用其詳可量也 蔡邕曰古之言天者三家者宜
夜曰蓋天曰渾天宣夜之學絕無師說蓋術數具存考

驗天狀多有違失獨渾天近得其理今銅儀即其法也立
八尺之圖體以具天地之形以正黃道占蔡發欽行推其日
月以步五緯精微深妙百代不易之道也

今按舜典在璇璣玉衡以齊七政善別虞之弄已用渾天之法其
他妄說不待攻而自破矣

王蕃曰天地之體狀如鳥卵天包地外猶殼裝黃周旋無端
其形渾渾故曰渾天周天三百六十五度五百八十九分之一
百四十五半覆地上半在地下其二端謂之南北極北極出
地三十六度南極入地三十六度兩極相去一百八十二度半強

繞北極經七十二度恒見不隱繞南極七十二度恒隱不
見赤道之絃去兩極各九十一度少強黃道者日所行也
半在赤道內半在赤道外與赤道東交於角五度少強
西交於奎十四度少強其出赤道外最遠者二十四度斗二
十一度是也為冬至日之所其入赤道內最遠者二十四
度井二十五度是也為夏至日之所在冬至日在南斗二十一
度去極一百一十五度少強是日最近於南去極最遠故景
最長黃道至斗二十一度出辰入申故日出辰入申晝行地
上一百四十六度少強故日短夜行地下一百一十九度少弱故

夜長自南之後漸漸而北故其景漸：而短日行地上分數漸
多夜行地下分數漸少故日漸長夜漸短也稍北而極至於夏
至日在東井二十五度去極六十一度少強是日最近於去極最
近故景最短黃道至井二十五度出寅入戌故日出寅入戌晝
行地上二百一十九度少弱故日長夜行地下百四十六度少強
故夜短自此之後漸：而南故其景漸：而長日行地上分數漸
少夜行地下分數漸多故日漸短而夜漸長也稍南而極至於冬
至又復如初斗二十一度井二十五度南北相竟四十八度春分
日在奎十四度稍強秋分日角五度稍強此黃赤二道之文中

也去極九十一度少強南北度斗二十一度井二十五度之中

故景居二至長短之中奎十四度角五度黃道出卯入

酉也昏得坐夜行地下俱一百八十二度半強故日見之漏五十

刻不見之漏五十刻謂之晝夜同天晝夜者以昏明為

限日未出二刻半而明日已入二刻半而昏故損夜

五刻益晝是五刻故春秋分晝漏五十五刻夜漏五刻三光之行有常

術家以算求之各有異同故諸歷法參差不一浴書孰

曜度春秋考異郵皆云周天一百七萬一千里為度二

千九百三十二里七十一步二尺七寸四分四百八十七分

之三百六十二冬至日之所在六萬里北極下地高於外衡下地亦六萬里外衡高於北極下地二萬里天地隆高相從日去地常八萬里日麗天而平轉分冬夏之間所行道為七衡六間每衡周經里數各依算術用勾股重差推景以測遠近之數皆得於表也

天變異占

天忽變色是謂異常四夷來侵不出八年有戰兵天色赤黃如火燭氣四塞天下蔽賢絕道人主絕亡

京房曰聞善不與茲謂不知厥異黃厥咎聲厥穴不嗣

天日入時忽有赤光燭地行人有影有反者

漢成帝建始元年四月辛丑夜天西北有火光壬寅晨有大風從西北起雲氣赤黃四塞竟日時大將軍鳳始用事王氏兄弟五皆封列侯卒移漢祚

天晝晦臣制君晝晦見星國亡

天沉陰日月無光晝不見日夜不見星有雲彰而無雨此謂君臣俱有陰謀若兩敵相當別為陰相圖議若晝陰而夜月出為君謀臣夜陰而晝日出為臣謀君受侯勝曰天文陰而不雨臣下有謀上者則向日王者失中下蔽其明則久陰

吳孫亮太平三年自八月沉陰不雨四十日是時欲誅
孫綝謀洩九月戊午綝以兵圍宮廢亮為會稽王

隋開皇二十年十月久陰不雨獨孤后與楊素共讚太子勇
廢之

天裂陽不足也是謂臣強下將謀上國欲分裂其下主當之洪範
傳曰作亂之臣無道之君歎裂其國也

天裂見人兵起國亡

天裂下人言者善惡如其言天裂見牛馬豕天子庶民皆憂
天裂見光流血滂二

漢惠帝二年天開東北廣十丈長二十餘丈其時呂后臨朝于位卒有兵亂

晉惠帝元康二年天西南大裂是時人主昏蒙后妃專制大安二年八月庚午天中裂為二有聲如雷三時是諸王迭專威命晉遂亡天下分裂穆帝升平五年八月己卯天中裂度三四丈有聲如雷野鷄皆鳴是後哀帝荒淫海內失德皇太后臨朝總萬機桓溫專權威震內外陽氣微陰氣盛梁武帝太清二年六月天裂于西北長十丈闊二丈光出如雷其

一
聲若雷十二月戊申

天西北裂光如火卒有侯景之亂

天鳴有聲至尊憂驚此亂之所生也或曰天鳴有聲君死民哭京

一房曰萬姓勞厥妖天鳴世主失守不出三年一日天鳴如風水

相薄亂臣作人主憂一日天鳴其下有立王一日刑殺失當民

流二

晉元帝大興二年八月戊戌天鳴東南有聲如風水相薄三年十

月壬辰又鳴至甲午止其後王敦入石頭城王師敗績帝居尋

于強臣既而宴駕大耻不雪

晉安帝隆安五年天東南鳴六年九月東南又鳴其後桓玄篡

位晉祚卒移于宋義熙元年八月天鳴在東南是時安帝
雖反正而兵革歲動衆庶勞動也陳宣帝太建十二年九月
癸未天鳴有聲如風水相激九月辛亥夜天東北鳴有聲
如蟲飛漸移西北後主至德元年九月丁巳天鳴東南有聲
如蟲飛十二月戊午夜天開自西北至東南有青黃雜色隆三
雷聲隋開皇二十年四月天鳴有聲如瀉水自南而北其年
廢太子勇為庶人唐天寶十四年五月天鳴有聲如雷至
十一月而安祿山反

唐天復二年十一月天鳴東北聲如雷

明

年而帝蒙塵

天雨異物占

大

凡天雨下物非人所聞見者皆大兵之兆其火見所主國分凶
天雨土君失封五行傳是謂黃青土失其性也百姓勞苦而無功
京房曰內淫亂百姓勞不肖者祿則天下雨土下人叛民人子
東西莫知其鄉易飛候曰主不安外歲有謀天雨石為政者
質信不施為妄詐行國君死亡一日天雨石民流亡兵起君戮
甘氏曰無雲而雷隕石墜地大及一丈形如鷄子兩頰銳名曰
天鼓所下之邦必有大戰伏屍數萬不可救近期三年遠期

七年

天雨沙民飢失位

天雨灰君暴虐無道則天雨灰其國亡殷紂之時天雨灰其國

後卒有牧野之敗以亡宋襄公時隕石于寒食行于楚會

于孟津身執國伐又戰而敗于泓傷股而歸竟死宋遂大弱

墨子曰商紂不德十日而土于亳梁武帝大同元年天雨土二

年雨灰其色黃是時帝弱於佛教捨身為比丘卒有侯景

之亂後周太義二年天雨黃土移時乃止先是宣帝昏狂

由甚其年崩 靜帝立禪于隋

隋開二年京師雨土是時廢卒起仁壽宮頽山煙谷死者大半

其後諸王各謀逆亂土失其性也天雨禽獸是謂不祥不出
三年其下兵起一曰民流亡其喪天雨人是謂凶殃不出一紀
天下易主天雨魚鱉民流亡臣專政有兵喪

漢成帝時天雨魚長五寸以下是時漢道陵夷王氏專政蜀李

期時天雨魚于宮中其色黃是年期為李壽所廢

天雨蟲傳曰人君暴虐不親骨肉而親他人故蟲從天上而墜其國

兵災並起劉向曰刑法暴虐貪叨無厭天雨蟲魯文公三年

秋雨蟲於宋是時宋公暴虐其後國亂殺大夫而非其罪是

其召也天雨骨是謂陽消王者德衰令不行佞人進用不出

三年有肉爭兵易飛候曰師將破亡一曰其國大飢人相殺
食

天雨筋其國大飢

天雨膏將敗國有急一曰暴雷弼臣多貪賢士遠去

天雨肉天下享其德將易其君一曰君無道臣專政有兵亂國亡

天雨血是謂天見其殃不出三年兵起京房曰臨穢不解茲謂進非厥

咎天罰故天雨血茲謂不親民有怨恐不出三年亡其宗人

又曰功臣衰憐姦人用則天雨血或曰天雨血不正之君不得

久居其位又曰民勞苦則雨血其君死于兵刃易妖占曰王者

不親九族則天雨血不救則國亡

天雨毛邪臣進賢臣逃貴臣出走京房曰天雨毛貴人憂國易主
征役繁興戶口彫散國亂民流人相食一曰大風為災

天雨羽君德不通逆施天下天鏡占曰天雨毛羽有喪不出九年
兵起易飛候曰天雨羽毛大風為災

齊湣王時天雨血于嬴博之間沾衣於是燕師入齊王出走
為淖齒所殺漢惠二年天雨血于宜陽劉向以為首赤也時
諸呂用事說口兵行三皇子建立非嗣及呂后崩大臣共戮
諸呂僵尸流血京房曰歸獄不解茲謂追非厥咎天雨血

茲謂不親民有怨心不出三年無其宗人又曰佞人祿功臣
僂天雨血漢哀帝建平四年四月山陽雨血廣三尺長五尺
大者如錢小者如麻子後二年帝崩王莽擅權卒移漢祚
漢和帝建和三年七月地雨血狀如羊肋羊大如手是時梁冀專
權枉殺李固杜喬天下寃之梁氏尋亦誅滅

晉惠帝永康元年三月尉氏雨血是時正月送愍哀太子幽于
許宮於是王室成釁禍流天下

晉愍帝建興元年河東雨肉是時五湖並起天下大亂後齊
一河清元年太原雨血明年周師入并州大戰伏屍百余里

漢成帝天漢元年天雨白毛三年八月天雨白毛是時征役繁

興戶口大耗

晉武帝大始八年蜀地雨白毛時益州刺史皇甫晏伐改山胡牙
門將張弘因衆怨誣晏反殺之

隋文帝開皇六年京師雨毛如髮長者三尺餘短者六七寸是年

閩中米粟湧貴 天雨爵飭為飢荒不出三年改易

王者爵飭如甘露於樹白者爵飭天雨赤雪有大兵起

大戰有國亡天雨如水銀是謂刑祖不出三年兵喪並起

亡國失地失道之君當之

隋文帝仁壽二年宮再雨水銀其後卒以亂亡 天雨金鉄是

謂刑法有餘人君殘酷賊殺不辜不出一月兵起于朝

天雨金銀鉄花兵將興失道之君當之 雨人家其家有大缺
秦獻公十八年雨金櫟陽二十一年與三晉戰于石門斬首六

萬尚首功自此始

隋文帝仁壽四年諸州造舍利塔陝州天雨金銀花人以為佛家
之祥未幾而漢王諒及煬帝失道二世亡天雨錢其國大飢
有兵亂或雨於人家其家有大缺天雨絲綿天下有兵喪不
出六年大亂 天雨紫兵起國將喪無後 天雨續狀如懸

芋脆白若地毛大飢人流有積骸天雨布帛兵喪並起
一流無所天雨墨臣下有謀一日君無道姦臣得志不出五
年國亡天雨如杵臼其國飢天雨如奎翫歲大豐稔其形如
小錢大或從地中出其中有如小麻黍粟大世人謂之蒸餅
豐稔之徵也

天雨笠大國飢

天雨戟不出三年兵起凡言天雨器物

其形似非真此物也曾見下墨雨落地皆成墨水麥遭之者
皆腐此即所謂墨者也即雨墨也

天雨五穀是謂禾不熟人君賦歛重數故天示戒不出五年國乏

軍糧京房曰天雨五穀是謂惡祥不出一年人民流亡久曰
國君專祿失信去賢用佞民無所向則天雨五穀天雨粟
不肖者食祿三公易位天雨黍為政者去大人出走他國
有死將

天雨草其歲人多兵死 墨子曰國君失信專祿去賢則天

雨草京房曰君怙祿信縱臣德衰厥妖天雨草又曰火
失其性則草有妖京房易飛候曰天雨草國有殃民破亡
天雨木君臣不和讒臣進用其歲多風五穀傷民多死一日人

多兵死 天雨花國喪 天雨藥其國君有咎

漢平帝元始元年正月天雨草其草相糾結大如彈丸是元
帝永光二年亦此自是始漢祚衰矣天雨冰水失其性
有大疾雨木求上陽施不下通下陰施不上達故雨而木
為之冰劉向曰冰陰之盛也而冰滯木者少陽貴臣歸大
夫之象陰氣脅木先寒故曰雨即冰其占為大臣死或
謂之木介者披甲之象也 漢安帝時京師雨冰是

歲梁后崩大將軍梁冀伏誅

天下火焚燒天火異占

一 是為火殃民人逃亡莫知其鄉

天火燒國郭門其

地有謀將發天火燒城門其邑圍 天火焚宗廟社稷

其國將亡

天火燒民舍大兵方起

天火燒山阜民不安其居

天火燒野五穀國將亡

天火燒大木姦兵起六月降霜

天火燒牛馬其邑有兵屠裂

天下大音如雷鼓臣下有謀國君凶

李淳風曰按漢魏時造作宮室過度而頻有天災其後
尋有兵亂隋大業十二年東京火宮西京火顛陽門
至十三年二邑並被圍沒即絕其宗社亦天告之驗也

地論

地變異占

地震者地積昧以靜為體地動者陰有餘也主弱臣強外
威擅權后妃專政陽伏而不能出陰迫而不能入陰陽相
搏故地震動也春秋潛潭巴曰地震下謀上君憂京房易
妖占曰地驚禽獸天子失位地動於宗廟朝廷邑有叛臣
劉向曰地動臣不臣京房曰地動教令從臣下出不有飢荒
必有流血地震以六陰極之干或已亥昧臥氣窮之日皆
主兵起殺戮之事震於^男巽震於陰歲則人災不^男震
於陰極亥日則兵飢震於陽極巳日則有兵而歲熟君弱

一
臣強則地震於春夏臣於篡叛則震於秋冬皆陽失而陰
感之兆也

地震驚禽獸京房易妖占曰天子失位一日米貴物不收
盜賊起不出三年地震壞城京房曰天下亡地

地動厥定室天下兵行地動獨於宗廟朝廷國亂臣地
動搖木震水波臣專政 地動有赤水出司馬攷

地動殺人賊臣為暴 地以春動凶夏動人主憂五谷不

熟秋動兵起冬動其邑有土功一日大水地動有聲其地
大亂開元占曰地春動有音歲不昌夏動有音人主喪

四月動有音五穀不熟民飢五月動有音人主喪民流亡

六月動有音老少多死歲惡秋動有音地起起引兵字九月則殃大

冬動有音人主憂喪兵起十月動有音邑有土功十一月動有

音其邑大兵喪人主飢十二月動有音其邑兵行

地動十日以上天下兵起地動三年其國民流 地東西動連十

日有大戰有反軍一曰軍中地震往彼軍利以攻擊震於我

軍宜固守地動而拆有急令逆臣謀兵革興

正月動主兵 二月動水災 三月動人病旱

四月動五月動兵起虫蝗 六月動疾病

七月動牛羊瘡

八月動大雪凍冷捕麥 九月動民不安

十月動來年谷貴

十一月動來年災

十二月動來年五月災

從乾至巽動主吳國兵起

從坎至離動閩中兵起

從艮至坤秦國大亂

從巽至坤魏國兵起小災

從兌至震動韓國大亂

從震至兌動趙國大災

從坤動至大水

從離至兌動趙國人災

從艮至乾動魯國大熱殺人

從離至坤動宋國大亂須審其起上占

周幽王二年三川皆震伯陽甫曰周將亡矣天地之氣若過其序民亂之地陽伏而不能出陰迫而不能入升於地震合

三川實震是陽失其所而在陰也陽失而在陰原必塞
原塞國必亡夫水土演而民用也土無所實而民乏財用不
亡可待昔伊雒竭而夏亡河竭而商亡今周德如二代之
季其原又塞、必竭山必崩夫國必依山川山崩川竭亡之徵
也是歲三川竭峻山崩於是有大戎之禍 地裂傳曰
地拆裂者士庶分離大臣專恣地裂有聲天下不寧四方
兵起其國易主京房曰地裂陰背陽臣叛君之象也又曰
地裂者臣不相附國以喪亡又曰地裂父子分離美莠皆
叛地陷傳曰地陷者臣下專政人民離君失其地、燃天

文錄曰地燃者陰行陽政臣下自恣終以自害故地出
火燃終以自焚也

漢和帝永元七年趙國陽地震裂是時南單于泉羊離
漢軍追討元興元年右扶風地裂是後西羌反寇涼州

安帝元年三月日南地裂長百八十二里明年正月蒼梧鬱林
合浦盜賊郡起劫掠交民順帝陽嘉二年雒陽柝八十三
大率因對策以為陰類專盜將有分離之衆所以戒者
上帝示象以戒陛下也是時宋娥又中常侍各用權分
爭後中常侍張遼大將軍梁商爭權作飛語以陷之

晉武帝太康八年七月大雨殿前地陷方五丈深數丈中有破甃
惠帝元康四年五月壽春山崩地陷方三十丈六月壽春大雷
山崩地崩人多陷死上庸郡亦如之八月居庸地裂廣三十
六丈長四十八丈上庸四處山崩地陷廣三十丈長一百三十
丈水出殺人是時賈后乱政諸王迭爭卒五故之禍

惠帝光熙元年范陽地燃可爨此火沴土也而晉卒以乱亡

後魏孝靜帝武定元年四河地陷有火出祖胆曰火陽精也

地陰主也地燃越陰之通行陽之臣下專恣以自害時齊

神武作宰侯景專權河南神武崩遂作乱山崩傳曰陰

柔陽弱勝強厥妖山崩者離散之象也災異書曰山者
宰輔之位崩者失職之象劉向曰山崩者臣下皆叛散
落不事其上之象也山從傳曰君不用道祿去公室當罰
自下女主專政是謂皇之不極厥妖山從不出五年有走
王山鳴其邦大亂賊起 周惠王時沙鹿山崩劉向以為
先是齊桓合諸侯以尊王室管仲既死而桓德衰天戒
若曰將廢諸侯散落臣下不事上矣及桓死天下散而從
楚是其徵也

魯成公五年梁山崩河三日不流魯普君帥群臣而哭之乃流劉

白以為山陽君也水陰民也天戒若曰君道崩壞百姓
將失其所梁山在晉地自晉始而及天下也劉歆以為梁山
晉之望也國主山川山崩川竭亡之徵也必復是歲在鶉
火至五十七年復在鶉火於是晉祚屬公漢文帝二年
四月齊楚地山二十九所同日發水潰出後十六年齊悼
惠王薨分其地王其諸子至景帝三月七國同反而滅今
齊楚山同日潰其兆見矣

成帝元延三年蜀郡岷山崩壅江水逆流三日乃通劉向以
為周時岐山崩而幽王亡岐山周所興也漢家本起于

蜀今其地山崩殆必亡矣後三世而王莽篡位隨仁壽三年梁州就谷山崩占曰梁州為漢地明年漢王諒反

唐武后垂拱二年雍州新豐縣大雨震電有山湧出高二丈后以為休應荊州人俞文俊上言曰天氣不和而寒暑隔人氣不和而疵贅生地不和而堆阜出今陛下以女主居陽位反易剛柔故地氣隔塞而山變為火陛下以為慶臣以為非慶也

唐玄宗開元十七年四月乙亥大風震電藍田山推裂百餘步

畿內山也占曰君德消政易別然天寶十一載六月薊州
閭鄉留河中女媧墓曰大雨晦冥失其所在至乾元六月乙
未瀕河人間其風雷曉見其墓湧出下有巨石上有双柳各
長丈餘占曰塚墓自移天下破散

漢獻帝建安八年長沙醴陵縣有大山常文鳴如牛吼積數年
後豫章叛攻陷醴陵殺掠吏民水閉京房易傳曰天子弱
諸侯力政厥異水閉川竭伯陽甫曰昔伊洛竭而夏亡河
竭而商亡山崩川竭國亡之驗也劉向曰山川連体下竭上
崩亂之兆也水赤如血京房曰君酒于酒淫于色賢者潰國

家危厥異流水赤又曰水化為血兵且起五行傳水
赤火沴水也法嚴刑酷傷水性也五行變陰陽相
一干氣色繆亂皆曰敗之象也秋大木有兵起臣下

憂河清衰楷曰河者諸侯之象其質本濁而清
諸侯將為天子之象也陂澤忽然自竭其地謂空虛

井水溢君凶又曰兵將起井忽自溢或然而竭及有
声在軍將死在家主人死

井中氣直上其地兵 井忽枯涸其家破散在城市眾
人當之 土漏下人將起 周靈王時穀洛水閭穀

王官劉向曰清諸侯之象谷洛其次卿大夫之象也卿大夫將分爭以危王室也後數年王崩景王三擔括欵弑王而立王弟佞夫不知景王并誅夫及景王死五大夫爭權或立子猛或立子朝而王室亂 晉武帝太康五年魯國池水變赤如血七年七月河陰有赤雪三項後四年而帝崩天下遂亂陳宣帝大建十四年江水赤如血自建康西至荊州禎明中江水赤自方州東至海至而江南為隋所并

隋帝大業三年武陽郡河清數里如鏡十二年龍門河

又清後二歲而唐受禪

宋高宗紹興十四年五月饒州樂平縣何衡里田隴數

十一日頃當齊天無雲田水如為物所吸取為一直西行

高平地數尺不做隄防而水自行里南程家井水溢亦

數尺為天近橋如長虹声如雷穿墻毀樓之水聞於杉檄且

前且却十餘刻乃解谷返故壑是水開也山石起立

庶士為天下雄立於山為同姓立平地異姓立於水為聖

人立於澤為小人石無故自移其地有兵亂

晉安帝元興三年江陵地生毛是後江陵被襲

梁武帝太清二年九月地生白毛長二尺未幾有侯景之亂
魏公孫淵時襄平北市生肉長大各數尺有頭目口喙無
手足而動淵尋為魏所殺吳成將鄧喜殺猪祠神畢
忽見一人頭往食肉喜引弓射中之咋二作声繞屋
一
三日是徐江也後人告喜謀叛閹室受誅

晉惠帝元康五年縣有流血流東西百餘步元康之
末亮極亂僵尸流血其應明矣地忽生碯石其地可
居吉

漢昭帝元鳳二年泰山萊蕪山南洶洶有數千人言民

視之有大石自立高丈五尺大四十八圍入地深八尺
三石為足陸孟以為石陰數下民之象泰山岱宗
之岳王者告代之處當有庶人為天子者孟生誅
其後帝崩昌邑王廢宣帝卒起民間為天子

晉武帝太康十年洛陽宮西宜秋里石生地中如高三
尺如香爐形如後偃人磐石不可拙明年宮車

晏駕晉遂亂亡

地生異物占

地生三人將勞五行

傳曰金失其性別地生毛亡國之徵易主之象也一曰
地生毛兵起人不安山見葆江于邑有兵葆江狀如

人頭赤色地生肉其國滅亡 地生麩民將飢

地出血天下大亂兵起

晉武帝咸康初地生白毛孫盛以為人勞之應

孝武帝太元二年京師地生毛至四年而氏賊次褒國

圍彭城向廣陵征戍百出連年不解

觀象玩占卷之一終

觀象玩占卷之二

日總叙

日者衆陽之宗人君之象光明外發鬼體內全匡精揚
輝圓而常滿人君之體也晝夜有節循常春

一生夏長秋收冬藏人君之政星月稟其辰宿宣其氣
生靈仰其照葵藿慕其恩人君之德也故曰生道德
養生福祐仁息人君有瑕必靈其匿以告示焉日行
于天一晝夜行一度日出地謂之晝日沒地下謂之夜
一晝一夜謂之一日積三百六十五日有奇而周天謂之

一歲日實也言光明盛實也日之先後不可明狀假甲子乙丑以異之其行乎天去極近而日長為暑去極遠而日短為短寒去極中而晝一夜均暄涼時比其大際未能及其微妙故至人作曆以推步為序之以四時分之以八卦正之以中氣變之以節候為二十四氣其詳著之曆法茲不能載也 天文志曰日行有通之國則其光明人主吉昌百姓安寧其君無德其臣亂亂國則日為之失色不明日食者陰侵陽臣掩君也 有亡國有死君有大水日食見星臣奪其君天下

紛爭故日有變人君必修德以禳之 日變異占

日變色其分有軍軍破無軍喪侯王日青無光其下有死王一日人主失勢京房日日色^青君弱一日變色為憂為飢一日日有青光不出二旬大風 貴十日以上民多疾疫不出一年蒼色臣不忠董仲舒日日青無光民相食主去日色變赤有兵爭^京房日人君不德民背上則日赤一日赤諸侯恣日赤無光所臨之國不昌董仲舒曰天下大旱兵起日赤如赭兵車滿野一日將死于野日赤如火君喪臣叛其國乃

亂感精符曰日赤如火主以急見伐日初出赤如入景
一照地赤其所宿圍亂亦為有兵流日赤如血其下君憂
臣叛兵役並起日色變黃土功興感精符曰閻刑庶

孽作姦詐 董仲舒曰日黃無光山崩地動日黃濁

有布散人君有妻黨之孽日有黃光照地其國有土功
與日色赤黃有旱亦為大灾日色變白有亡諸侯若

兩敵相當則其分軍敗其將死感精符曰日變白色

臣下有姦謀四夷動京房曰上微弱無法制則日白萬
物無霜而死又曰臣無勇志天子自將征伐日白休動而

寒一日日白為旱為喪日有白光國主憂喪

日白無光董仲舒曰其國主死不死亦不昌

日色變黑天子臨危命在四方一日天下大水民半死

京房曰君惡見於百姓而臣不為掩也其占為主令不行日有黑光多死兵不出六十日有大水傷五谷其訖之谷雜貴十倍

日黑無光董仲舒曰臣下為政

日色變紫感精符曰兵狄內侵兵將用則日紫

日變黃濁黑光動搖為風雨不動搖為憂病不則國

有暴怒之令

日色變作赤乍白各滿十日臣伏兵謀君

甘氏曰日或黑或青或白或黃師破主亡

凡日和則五色明照四方黃白為失信青赤奪明黑多

暴害 日光四散赤如血流所照皆赤為急兵有流

血一日賊入宮

日景如虹其國亂 日無光五谷不成盜賊並起太公

兵法曰君不明臣不忠則日無光春秋感精符曰日無

光主勢奪諛臣蔽行又曰妻黨群翔臣下恣橫則日

黃無光大臣擅權則日青無光子黨犯令權威言
國則游氣蔽日、赤鬱快無光 日先亡諸侯叛
群禍起

乙巳占曰日出一竿無光耀者其月有死主若有憂若
人君宰臣不順四時行令刑罰不當大臣姦謀離賢
蔽能則日無光而見瑕不改其行則國五谷不成二畜
不生人民橫盜賊並起又曰日無光主病一日主有負
於臣百姓多怨又曰日失色所臨之國不昌
又曰日光明感萬物不得視其体猶人君不可窺覷若

日無光人皆見其體貌將有伺察神器者矣

日出東方二竿亭：無光曰日病未入西方二竿亭、

無光曰日死日病其地分侯王病日死其地分侯王死

天文總論曰 日病主病日黃色無光是也日死

主死朔 日曰紫色是也以日所宿分及日辰占其國

一曰日始出二竿未入二竿色赤無色光其在分所有兵

喪在春時則為旱災在六月日至中無光人居不明一曰

天下有立王 日久無光天子蔽塞臣擅權國將易

日將無光天雲尽赤三十日有兵居正五十日兵大起人流亡

西方去地二丈餘亦如之京房占曰國有諛臣朝有佞
賊則日冥無光社稷將亡是時帝信宦監大殺忠良
遂亡漢祚

晉懷帝永^加元年十一月乙亥黃黑氣掩日所照皆黃五
年三月庚申日散光如血流照皆赤是時天下大亂
帝卒辱于虜廷

明帝太寧元年五月己卯日暈無光癸巳黃霧四塞
占曰君道失明陰陽昏臣有陰謀京房曰下專刑
之應敦既陵上卒伏其辜

隋文帝仁壽四年七月乙未日青無光八日乃復占曰主
勢奪又曰日無光有死王丁未上崩漢王諒反楊
一素討之平

隋帝大業十三年十一月辛酉日光四散如流血占曰賊
入宮主以急兵見伐又曰臣逆君明年三月宇文化
及等殺帝諸王及幸臣並被殺

唐貞觀二十三年三月日赤無光李淳風曰日变色有軍
急又曰其君無德其臣亂國濮陽復曰日無光主

病

日已入而有餘光赤黃倒映名曰反照其地有叛兵

日中有火光氣見其國君左右大臣有反者

日生彗五色君有大福天下大禳

日上芒如烽火君大昌 日上有黃芒得五色有福

不得五色得死囚色君有憂

乙巳占曰日上出黃芒天下攻戰 日出垂有戰

日生芒角主人兵不利臣謀主不出三日

日生四角不出二年兵飢日有六角大飢兵起

日垂爪兵起 日有白足甘氏曰有破國石氏曰有

敗軍將死乙巳占曰白足者日景属地色純白也

日有赤足主厥足臣相伐

日始出有赤足主受伐臣反輔相奪或日赤足有舉兵
白足有殺諸侯

日兩足群起鄰萌曰生齒足者有反兵

日中烏見主不明政亂其分國有衣會有大旱一日
王者憂之一日旌旆動將軍出若出軍過之敗將死
日中烏出外天下大亂國受殃哭声沸天

晉穆帝永和八年張重華在涼州日暮赤如火中有三足

烏見五日乃止是時江左建國胡夷竊據中華涼

州中陷穆帝幼弱不親國政卒以衰微

一
陳文帝天嘉七年三月庚午日無光烏見占曰王者惡之
其日庚午吳越之分四月甲子日交暈白虹貫之癸酉
帝崩 日中有墨子京房曰天下不順其主厥異日中
有黑子黑氣一日臣有蔽主明者一日臣暴君惡日
中黑子

乙巳占曰日中有黑子黑雲若青若赤若黃乍乍三
皆為天子惡

日中若有飛燕者其下有瘕日中有如人立者君慎
左右日中有如人行者臣叛主或曰有兩主立

青氣入日狀如兩鳥重立日昏無光夷狄入平中國
日中有如人黑幘黑衣仗刀而立人主失位日無光中
有物或赤或黃或黑大爪踴躍世主絕命

漢靈帝中平四年三月丙申黑氣大如瓜在中日

五年正月日色赤黃中有黑氣如飛鵠數月乃銷
是時帝失明官者禁錮忠良遂亡漢祚

晉惠帝元康九年正月日中有若飛燕數日乃銷王隱

以為愍懷廢死之徵

惠帝永寧九年甲申黑子京房曰易傳曰黑者陰也
臣不掩君惡令下見百姓惡君則有此變

惠帝永康元年十二月庚戌日中有黑氣
太安元年十一月日中有黑氣

永興元年十一月日中有黑氣分日是時內寵擅權諸王
迭起骨肉傷殘天下大亂自此始也

元帝元昌元年十月辛卯日中有黑子是時帝寵幸列
隗擅威福虧傷君道王敦因之舉兵逼京師禍及忠

忠賢良

穆帝永和十一年三月戊申日中有黑子大如桃二枚時
天子幼弱不親國政時黑子屢見至升平三年十月丙
午日中有黑子大如雞卵儀而帝崩

晉孝武寧康二年三月庚寅日中有黑子二枚大如鷄子
十一月己巳日中黑子大如鷄卵時帝已長而康獻皇
后以從嫂臨朝實傷君道故日有眚也

太元十年十一月辛卯日中又有黑子是時會稽王以母弟
于政

晉太初四年十月乙未日中有黑子如李至八年十一月己酉天子廢為海西公

日消小所當國君死

日中分其國亡一日天下分或曰日分為二有徒王叛民

一曰日裂君死臣爭荊州占曰所舍國亡又曰日中分

為二國主死中分而其爭主死一曰有鳥居 日輸缺

有萬人死其下不利先起者 日夜出是陰明天

天下大兵洪水流行一日君不祥社稷亡郗萌曰日夜

出有國者亡兵起天下飢以日辰命國

乙巳占曰有物如日非真日 晉元帝大興元年十一月

乙卯日夜出高三丈有青黑珣是時群胡亂中原板蕩晉之所倚江南而已而帝又逼於強臣主威不振舍垢忍辱卒憂崩 日再出再沒國亡一君死兵起主降於臣天下亡

日下而却上國大亂 日出非其所政令不行天子失國 日隕于地天下分裂天子亡國

晉愍帝建興二年正月辛未寅時日隕于地又有三日相承出於西方東行 五年正月庚子三日並照虹蜺弥天丁巳亦如其數於是帝再蒙塵天下分裂兩日

並出諸侯有謀是謂滅亡天下用兵無道者亡京
房曰無道之臣舉兵而亡又曰兩日出天下爭王視
其所在之方先滅者亡

乙巳占兩日並照是謂爭明假主抗衡兩王並爭

武密占曰兩日出兩主之地陷有大水三日並見天下三
分衆日並出天下分裂各設法令所行不一兩軍相
對有數日並出其下有拔城大戰宜分營以應之
凡衆日並出非真日也有物如日之狀月亦有之

日闕離而復合有象日之氣束相衝擊或赤或白

或黑或青或綠五色如珥狀成行隊而相陵突皆為
大兵大旱天下大亂天子失國不出三年一日日聞者
鳥出復入也筭食分多少早晚起復莫不先期知
之此天灾之耶夫月殺于天而魚腦減于水陰陽之氣
迭相感應自然之理東風至而酒湛溢東風非故
為酒未也風至而酒自溢象見于天而灾應于下
理固然耳有道之君修德而無咎暴亂之主傲雪而
一成灾譬之陽燧取火方諸取水似他鏡求之而不得感召
之理信不誣矣

日食必有亡國死君之灾食者如蟠食葉之象陰侵陽下
陵上婦乘夫臣犯君之象也日食則失道之亡國

乙巳占曰凡日食為有兵有喪失地亡國皆以食特早晚
宿分日辰占之

日食從上起君失道而亡一日子為害京房曰君知佞人
而安用之以亡其國郁萌曰日食上者青在君色青則為
弱於任善色赤無禮色黃臣善欺其下色白弱於誅惡
色黑失禮於鬼神

日食從旁起內亂兵火起更立天子一曰臣與君爭美一曰

黎庶為亂兵從方起左起多火災從右起君政暴天鏡
占曰從右食滯暴貴人君暴治家害民起怨感精符
日日從旁食臣謀亂

日食從下起女主自恣臣下與師動眾失律將軍當之一曰
君失民下人為亂郝萌曰日食從下起色青民相譖有軍
在外其下有大戰拔城無軍為兵起國亡

日光相盪天下易主春秋緯曰赤日相盪血滂君臣無道
縱橫

晉元帝大興四年二月癸亥日開明年王敦反武昌又明年帝

崩 日無雲而至暮不出天下大亂天子國亡

日薄凡日食皆在朔而食謂之薄不因日月同宿而別陰
一 氣所掩其占為死

君為國亡其災甚於日月之蝕其災甚於晦朔之蝕

晉惠帝永康元年正月癸亥朔大赦改元至十七日己卯日食
其明年趙王倫篡位晉作遂 夷狄爭雄天下大亂

甘氏曰晦之日日色赤黃無光而薄食其月旱或曰薄其者
日月交通遠不當食忽於晦朔無光青黑色震動如水照地
皆黃是也其占為災在國君

乙巳占曰非朔而食謂之薄食人君失道賊臣窺同叛兵將起陰
氣盛陽掩日光也陰侵陽臣陵君其分君凶不出三年兵災
並作家國壞亡

日蝕占

李淳風曰日依常度食者月未掩之也臣下蔽君之象人君當慎防
權臣內戚在左右者其食雖依常度而災害在於國君大臣
時人或疑之以為日月虧食可有疾疫蟲災色赤衆庶僭
上強陵弱有旱災色黃宮室汰侈土功煩興色白民相賊害
有小兵色黑小民多怨有水災

日食從中起內有伏謀色赤事成色青中止色黃受誅色
白事賤色黑逆謀成食從中起內亂兵起更立太子日色
中青赤而外黃國荊州占曰日食從中起君妻其同姓
國受兵君遇賊又曰日食中空主死

日食少半諸侯大臣亡國地失相逐 日食半有大喪亡國

日食過半天下之主當其災 日食不及強國失地一曰

相出走 日食盡君死天下亡夷狄入制中國 廿六曰有

國亡更主 日食見星臣弑其君天下分裂一曰有亡國易姓

一
日食東方之國災日食西方之國災南北亦如之

日入地而食大人當之

日從地下食出而虧當有大兵視

其虧處以占兵起之方

日始出而食是謂氣光齊越之圖受兵亡地日補而食兵
將罷 日將入而食大人出兵燕趙當之 武家占曰日出

至食時蝕宋鄭當之食時至禺中楚當之禺至日映秦當
之日映至脯時魏當之脯時至日入燕當之皆為不出三年
有喪

日食而有氣如虹在日上者近臣謀上 甘氏曰近犯上

日食而暈傍珥曰雲東去掩映天下大亂兵大起臣弑君失位

日食而傍有似白兔白鹿守之者民為亂臣逆君不出其年分兵
兵起京房曰日食而有如白兔守之君不用賢澤不下施則國
下為高懸於街殿日食而有雲氣風雲暈珥似有羣鳥
守日者名曰天鷄后妃外戚謀易主位數視動靜欲行其志
日食有雲如虎守之大臣謀君不出三月遠不過三年石氏曰人
君九族有伏謀亂君政以自成者

日食而有雲如坐人於上者君安居下臣安

日食而有黑色雲繞圍之臣下無君

日食且有太雲中垂民飢賊起

日食而有交暈貫日中兩軍相爭後起者勝

日食有四珥從上而下天子起兵從下而天子有大喪

日食有雲有珥衝之甲乙日白雲天下大兵丙丁日黑雲天下大水戊己日青雲人主死喪庚辛

日赤雲兵大作天下有擊壬壬癸日黃雲土劫癸天子憂

日食有風地鳴四有雲宰相專權謀反

日將食而地震裂日色昧而寒乃蝕者方伯專誅恣行弑害君不能

制

日食已而風起地動大臣專制諸侯不臣有亡君

日食而大寒且在平且中國大飢賊起四夷為亂諸侯反逆一曰
而寒夷兵動日食已而寒 天下飢盜賊起

日食而而有星墜上賊斂煩類數下民屈竭君弑國亡

日食而雷國亡 日食而鳥出見天下有大喪不出三年

日食而陰冥臣蔽主 日食大風亂從中起日四時以王

日食人主凶以相日食國相死以囚死日食臣凌君以休廢

日食多疾疫京房曰日食王為君相為囚為罪人死為

夷狄休為民有兵從所三年之內且有火災

日四時蝕

蝕者即食也

春蝕甘氏曰有女喪乙巳占曰年大凶有大喪女主亡憂食甘

氏曰諸侯多死一日無年秋食甘氏曰有兵一日有兵戰

主死 冬食甘氏曰相死乙巳占曰多死喪甘氏曰日食春

丙丁 日食憂庚辛 日食秋壬癸 日食冬甲乙

此日為相死日食春庚辛 日食壬癸 日食秋丙丁

日食冬戊己皆為紆逆

日夏食陽為南國當之陰為北國當之

是謂禍其國也

日蝕十二月占

正月日食京房曰大臣死則黜

黃帝占曰大臣走

乙巳占曰人多病

陳卓曰五穀貴齊大吉

武密曰內兵起人流

二月日食人主失人死亦為大旱

石氏曰人多死

陳卓曰三貴牛死魯大吉

三月日食黃帝占曰有反者石氏曰大水出陳卓曰綿七布

貴楚大吉武密曰有旱飢

四月日食人主有過臣有憂石氏曰天下大旱

陳卓曰牛無食畜死宋大吉京房曰大臣凶

武密曰旱疫

五月日食諸侯多死乙巳占曰天旱人飢陳卓曰牛死六畜貴

梁大山武密曰兵起東北

六六食言房曰人主有謀其下國分土一曰外國侵其分土

石氏曰六畜貴陳卓曰五谷貴沛大山

武密曰大臣死

七月日食黃帝占曰有反者從內起乙巳占曰歲惡秦國當之

陳卓曰綿帛貴陳大山

武密曰兵起人流亡

京房曰水大壞城廓

八月日食京房曰天下吏始期三年 石氏曰兵大起

陳卓曰兵甲貴鄭大凶武密曰兵飢

九月日食京房曰外人欲自立不成 石氏曰布帛貴

陳卓曰鹽貴韓太凶乙巳占曰女子貴

武密曰飢疫

十月日食帝占曰姦臣在朝二人侵一人 遠凌君走

石氏曰六畜貴 陳卓曰魚鹽貴韓太凶

武密曰久旱

十一月日食王者亡地臣子為逆 石氏曰魚鹽貴

陳卓曰燕大山

乙巳占曰糴貴牛死

武密曰人畜俱疫

十二月日食京房曰其下有兵黃帝占曰大臣欲自立不成

石氏曰谷貴牛死

陳卓曰薄貴趙大山武密曰水災

夏麥不收日以十千十二支日食占

史記天官書曰日食為不藏食以甲乙四海之外不占食以丙

丁江非河岱也戌巳中洲河濟也庚辛華山以西壬癸恒

山以北其下君當之以日支論武密占曰日食子日兵起丑

寅卯皆旱辰日兵巳日火災午日兵未日水申酉日皆

為兵成日卓傷亥日小人用事

元日食兩敵相當即從食所擊之大勝殺將

日食復生者日光復也我軍居其地擊敵必勝

日食不可出軍 日方食而軍其軍必敗當官氣也

日食三虧三復者相犯侵也有兵從所食方擊之勝假如食

東擊之勝

六十甲子日食京房曰潛潭巳占曰有異同今合之其不同者以一日別之

甲子日北狄有謀不則大水在東方一日夷兵起

乙丑日諸侯之臣欲弑其君在西北方兵行不勝後有
小兵五穀蟲傷一曰大旱

丙寅日司徒欲謀其君有小旱在東南一曰有旱蝗
丁卯日謀侯欲謀其君北方有蝗一曰兵起

戊辰日有同姓近臣欲謀其君有地動在東南

己巳日婚家謀君諸侯起兵在西南一曰火災

庚午日司徒謀君有大旱在南方一曰有兵災

辛未日司空欲謀君有蟲在東方一曰水潦

壬申日諸侯相殺在東北後有小兵寇盜並行

癸酉月上強天下謀兵不出其年太兵行始於西方淫雨數降
甲戌日近臣謀君事齊而戮有小旱在西南一日草木不滋王命
乙亥日子欲為逆而身受戮有陰雨天下亂一日冬無冰東國發兵
丙子日諸侯相殺兵行在東方後有大水一日夏霖為災

丁丑日諸侯近臣謀其君在西北方後有小兵一日三公有憂
戊寅日異姓近臣謀其君歲旱土沸一日多大風

己卯日東夷謀其君有虫多盜

庚辰日君易賢以剛卒以自傷後有水在東北一日有兵卒
辛巳日諸侯外親謀其君兵行西北一日后宮有謀

壬午日三公與君侯相賊弱其主三公失國後有旱且水一

曰文雨

癸未日僭上侵下臣謀其君在東有小虫一曰仁義不行

甲申日司馬謀逆有小水在晉一曰四月雨霜

乙酉日君弱臣強司馬將兵反征其主一曰賢人遠退

丙戌日同姓近臣不臣後有大旱火從天墜一曰訟多寃者

丁亥日君臣無別司馬收民司徒將兵有虫在西北方一曰有

臣謀

戊子日妻欲害夫九族夷滅後有大水在東方一曰中宮有愛

己丑日婚家有謀有小兵在西方一曰下民憂

庚寅日有謀反者敗戮有小旱在東南一曰將相灾骨肉相賊

一且有水

辛卯日天子微弱諸侯謀君及受其殃有虫在東方一曰臣伐主

壬辰日諸侯謀逆後有大水在東方一曰河水決

癸巳日諸侯相伐一曰權不一

甲午日南夷君戮後有大旱一曰虫灾

乙未日君貴衆庶暴害民皆久有地動

丙申日君暴亡臣橫恣上下相賊有大水一曰諸侯叛乱夷狄内

侵歲旱

丁酉日諸侯謀其君事敗後有大兵起西北方一曰侯王侵

戊戌日婚家謀逆有旱馬驟運一曰后妃憂

己亥日主弱小人持政

庚子日庶子謀敵不成後有大水一曰天子疑

辛丑日賢人離小人盛人主危一曰君疑臣三公有免黜者

壬寅日諸侯謀逆亡其國有小旱在東南一曰大臣驕恣天下若兵
癸卯日諸侯下順天子有亡國有虫一曰外國伐主

甲辰日主侯壽命絕有水

乙巳日諸侯上侵以自益近臣盜竊以為積人主不知一曰東國

兵起

丙午日親戚爭鬪同姓有謀大旱在南方一曰民多流亡
丁未日司徒不道執政有謀有虫有地震一曰王者憂

戊申日臣謀君後有小水一曰地動諸侯爭

己酉日西夷有弑君有大兵西行

庚戌日司馬之臣謀逆有小旱一曰臣下相侵

辛亥日有虫害司馬之臣謀逆自敗一曰近臣有憂

壬子日同姓諸侯任政者不成一曰女主憂後宮有謀

癸丑日寇盜行兵主不明水潦為敗

甲寅日同姓大臣有謀有旱親戚相叛

乙卯日權臣專政不出三年誅有虫一曰雷不行霜不殺姦入君宮
丙辰日帝命之極武王乃德一曰山水大出

丁巳日天乃去惡依聖有小兵一曰其有聚兵

戊午日姻家執政賊由妻始後有大旱傷穀

己未日臣不安居辟陰謀侵地大動一曰其王失土

庚申日骨肉相殘有水一曰夷狄內侵

辛酉日昆弟相殺更有國家後有兵三年不息一曰姦邪欲起

妃謀主

壬辰日諸侯謀叛在西南一曰小人用事

癸亥日天子命終聖人更起有大雨水一曰王者憂

日食春甲日 夏丙日 四季戊日 秋庚日 冬寅日 皆為天子惡之

春乙日 夏丁日 四季己日 秋辛日 冬癸日 皆為后妃惡之

晦日日食大臣執權一曰臣專主命

日月俱食有亡國月先食陰國當之日先食陽國之食陽君凶

食陰女主凶

漢高帝三年十月甲戌晦日食在斗二十度占曰燕山也後二年

燕王藏茶反伏誅盧綰

為燕王又以反敗

惠帝七年正月辛丑朔日食在危十三度占曰正月朔日是為三朝尊者惡之五月丁卯先晦一日日食幾盡在七星初占曰正月微陰始起而犯至陽其占甚重至八月宮車晏駕而有呂氏詐置嗣君之宮京房易傳曰日食不以晦朔者名曰薄人君誅罰不以理或賊臣將暴起日月雖不同宿陰氣盛薄日光也

高后七年正月己丑晦日食既在室九度為宮室高后惡之曰為

我也明年高后崩

武帝建元二年丙戌朔日食在奎十四度刘向曰奎為卑賤婦人
其後衛太后自至微與卒有不終之咎

元狩元年五月乙巳晦日食在柳六度京房推以為是時日從
旁右始法曰君失臣明年丞宰弘卒凡日食從旁左右
起皆為君失臣從上起臣失君從下起君失民

照帝始元三年十一月壬辰朔日食在斗九度占曰燕地也後四
年燕刺王東誅

元鳳元年七月己亥晦日食幾尽在張十二度刘向以為

一己亥而既其占重後六年宮車晏駕卒以無嗣

孟康曰己亥水絕陽故日食為最重也

成帝建始三年十二月戊申朔日有食之其夜未央殿中地震永

谷對曰日食發九度其占在

皇后地震蕭牆之內咎在貴妾二者俱發明同事異人共掩制陽
將害繼嗣也但日食則妾不見地震則后不見異日而祇則
以殊事是后與妾俱有失節之尤故天因此兩見其變若
日違夫婦道隔遠衆妾妨絕嗣者此二人也杜欽曰日以戊申
食時加未戌殺土也中宮之部也此必嫡妾爭寵而為患也

哀帝元壽元年正月辛丑朔日食不食如鉤在營室十度與

惠帝七年同月日鮑宣上言今日日食於三始誠可畏懼小民正月

朔日尚恐毀敗器物况日虧乎

光武三年五月乙卯晦日食在柳十四度占曰者食乙卯姦人入

宮柳京師分野時世祖在維陽赤眉降賊樊崇作亂事

竇伏誅

七年三月癸亥晦日食在畢五度為邊兵其秋隗囂乃侵

安定冬盧芳所置朔方雲中太守各舉郡降

十六年三月辛丑晦日食在日卯七度與日日食辛丑主有

疑獄昂為獄事時諸郡太守坐度田不實帝怒殺十餘人後深悔之

十七年二月乙未晦日食在胃九度占曰日食乙未君責暴衆庶爵胃主倉廩時諸郡新租之後天下惶怖以穀為憂胃又為供養之官其十月廢郭

皇后詔曰不可以奉供養

二十五年三月戊申晦日食在畢十五度占曰為邊兵又曰日食戊申主兵弱諸侯爭其冬十月五溪蠻夷為寇命伏波將軍將兵伐之

二十九年四月丁巳朔日食在東壁壁為文章又為姬訾
之次先皇子諸王各招 文章談說之士去年中有人上奏
諸王所招待賓客真偽交雜多受刑罰者上怒詔招諸王
客皆被以苛法死者甚多三十一年五月癸酉晦日食在柳
五度京師宿也又為喪車後二年宮車晏駕中元元年十
月甲子晦日食在斗二十八度占曰斗為廟主爵祿十一月
甲子時王者也斗牛星紀其占重明年帝崩

明帝永平三年八月壬申晦日食在辰宿主宮是時帝徙宮
八年十月壬寅晦日食既在南斗十一度占曰斗吳也後二年

廣陵王荆反自殺廣陵吳分也

十六年五月戊午晦日食在柳十五度占曰五月戊午時王之猶十一月甲子也又在柳為京都後二年明帝崩

章帝建元五年二月庚辰朔日食在壁八度是時群臣爭競多相非毀者

和帝永元四年六月戊戌朔日食在七星二度占曰七星主衣裳又行近軒轅左角為太后族是月十九日上免太后兄弟竇憲等官遣就國選嚴能相於國迫令自殺又十二年秋七月辛亥朔日食在翼八度翼荊州宿也明年東南郡蠻

夷反為寇

安帝永初五年正月庚辰朔日食虛八度占曰正月朔王者統
事之正月也虛空名曰也是時鄧太后攝政帝不得行
事垂夷並起為寇西邊諸郡皆至空虛

元初元年十月戊子朔日食在尾十度尾為后宮繼嗣之室
也是時上甚幸關貴人明年四月立之為后其後卒讚李
廢之六年十二月戊午朔日食既晝如昏在須女十一度占
曰女主患之後二歲太后崩

桓帝元嘉二年七月庚辰日食在翼四度占曰日食庚辰易賢

以剛卒以自傷翼又主娼樂時帝任信宦官殺戮忠良以傾漢室又好音樂聞琴而太息曰善乎哉為琴若此一而足矣永興二年九月丁卯日食在角五度鄭宿也十一月泰山賊盜群起劫殺長史泰山於天文屬角延興八年正月丙申晦日食在營室十三度占曰女主惡之其二月癸亥鄧皇后坐配上送暴室自殺

永康元年五月壬子晦日食在鬼一度占曰壬子純水之日一陽不克將有水害 其年八月六州火水激海盜起

靈帝熹平二年十二月癸酉晦日食在虛二度是時中常侍

曹節王甫專政帝為立矣

光和元年十月丙子晦日食在箕四度為后宮又主口舌

後魏莊帝永康二年十月己酉朔日在地下食出而虧從西南角
起占曰西夷反後有天兵西行

三年三月雍州刺史尔朱萬侯覬奴蕭宝寅于安定
送京師斬之

日與月星並見占

日月並照中國有兩主又曰天子兵起又曰妃后專權擅政有
殺逆夷狄內侵京房曰日月並照是謂並明兩主爭

立又曰君臣爭明兵起國亡天下大飢荊州占曰天下有
國亡

日月並明相去數寸若一寸尺臣滅主一曰君為臣臣為君民相
殘又曰強國弱小國強歲大凶

日月並晝見光明兵起

日月並夜見光明天下大亂分裂

日入月中不出九十日大兵起易主金鉄貴三倍人主死

朔日日色紫赤是也 月見日中有死王

日月與大星並見是謂爭明 大國弱小國強天下有立侯王若

星月有光而日無光則大國亡

日當午有星在日下妃妾謀殺其君

日旁有彗星見子殺父臣弑君天下大亂

日當午四星環之侯王奪國五星環之太子為變二星
夾日下人謀上奸臣在內后宮閹臣謀反左右夾日者
將軍與內臣合謀又曰天子不能禁制臣下則星與日
並出是謂內弱外強

妖星與日並出名曰婦女星與日爭光夫弱婦強女子
為王

月中有星天下有賊星多者賊多也 孝經曰內紀

一星在月中臣與君婦女共作姦星在月角臣與黃門偉女人陰謀為賊

兩星在角君與臣同姦一星在月下后宮女子要臣常然晉葛洪則為黃道與赤道東交于角西交于奎南至斗北至井唐志又謂黃道春分與赤道交于奎秋分交于軫南至斗北至井與漢志不同何也蓋赤道分天之半亘古不易黃道本無定体因日行而為之名日之行也每歲有差漢志至太初曆而言是以今古有不同也歲差

左角有星奸臣在東宮中月上有星奸臣在南宮中月
下有星奸臣後宮中月兩角俱有星為姦者敗河圖曰
日星出月陰負海國勝星出月下光相接其國君死人飢
大星與月同光臣強一曰大臣爭競與主爭明

日月行道

天文志曰日有中道月有九行中道黃道也黃道一曰赤道非
天之有是道也因日之行而強名之尔日行不可指而知
一故以二至二分星為候焉漢志曰黃道北至東井去極近南
至牽牛去極遠東至角西至婁去極中此二至二分之所

在也日去極近遠知故以晷景測之夏至日在東井其所行
之道也最北而近北極短三八尺之表而景尺有五寸八分尺
之長極于是焉冬至日在牽牛其所行之道最南而遠其
晷極長三八尺之表而景丈有三尺一寸四分尺之短極于是
焉春秋日分在婁角所行之道在兩極之中其晷不長不短
立八尺之表而景七尺一寸六分晝夜於是乎適均焉日陽
也陽用事則日進而長陽勝故為溫為暑陰用事則日
退而南晝退而知陰勝故為涼為寒此歲時氣節之至衝
而應此其大槩也黃道去極最近者二十七度半弱以夏至

日在東井言之也赤道去極九十一度半弱黃道去赤道二十四度除之此數則得六十七度半弱也黃道去北極最遠者一百一十五度半弱以冬至日在斗言之也赤道去極九十一度半弱如黃道赤道二十四度則一百一十五度半弱也王奕曰日道居中月五星循左右而行故曰道獨謂之黃道焉

日月食說

天文志曰按戰以後古曆廢壞漢世始推月行九道然猶未驗其所行之遠近也漢末劉洪作乾象曆復推月行遠近然交食之法猶未詳著大抵朔望值交不問內外入限便食至

陳張賓創立外入限然應食不食亦未能玄獨得其妙
一以為日行黃道月行月道月道交給黃道外十三日有奇而
入經黃道謂之交朔望去交前後各十五度已下即當若月
行內道在黃道之北食多驗月行外道在黃之南雖過正交

無由掩

映食多不驗交食之法至是始精隋書曰月陰精也日光照之
則見日光之所不照曰望日月相望人居其間盡觀其明
故形圓二弦之日、照其側人觀其旁故半明而半魄晦朔
之日日照其表人在其裏故不見張衡曰對日之衝其大如日

日光不照謂之者虛闇虛值月則月食值星七月望行
黃道值闇虛故食值之表裏深淺故月食有此多少沈
括曰凡日食當月道自外而交入于內則食起西南復于
東北自內交出于外則食起于西北復東南日在交東則
食其內日在交西則食其外食既則起于正西復于正東
凡月食月道自外入內則食起於東南復于西北自內出
外則食起于東北復于西南月在交東則食其外月在
交西則食其內食則起于正東復于正西交道每月退一
度餘凡二百四十九交而一期故西天法羅曠計都皆逆步

之乃古今之交道也交初謂之羅猴交中謂之計都

一
觀象玩占卷之二終